

Openheitslova – utgreiing for 2022

Dette er ei utgreiing for vurderingar gjort i konsernet Voss Energi – morselskap og dotterselskap i konsernet.

Verksemd og verdigrunnlag

Voss Energi AS er eigd av Voss herad og vert drive frå Voss. Drifta omfattar produksjon, distribusjon og omsetnad av elektrisk kraft og varme, samt levering av fiber- og breibandtenester. Konsernet Voss Energi omfattar morselskapet Voss Energi AS og dotterselskapa Vonett AS, Voss Energi Kraft AS, Voss Energi Produksjon AS, Voss Fiber AS og Hordaland Bioenergi AS. Dotterselskapa er 100% eigd av morselskapet med unntak av Voss Fiber AS der eigarparten er 80%. Alle selskapa er lokaliserte i og vert drivne frå Voss.

Openheitslova skal fremma verksemder si respekt for grunnleggjande menneskerettar og anstendige arbeidsforhold. Arbeidet med menneskerettigheter og anstendige arbeidstilhøve er forankra i konsernet sitt strategidokument og etiske retningslinjer, som bygger på Voss Energi sine verdiar: Berekraftig, kompetent og effektiv. Voss Energi sin visjon er «Vera lokal drivkraft for berekraftig utvikling». Helse, miljø og sikkerheit skal ha høg prioritet i alle konsernet sine oppgåver. Konsernet ønsker å arbeida systematisk for auka samfunnsansvar.

Voss Energi sine etiske retningslinjer stiller krav om at ein ved innkjøp skal sørgja for at, tema knytt til miljø, arbeidsforhold, sosiale forhold, diskriminering og korrupsjon vert vurdert.

Berekraft blir også aktivt brukt som tildelingskriterium i anbodskonkurransar og som kontraktskrav, f.eks. i anbudet om å bygge overføringstunell mellom Svartavatn og Torfinnsvatn, og i andre anbodskonkurransar.

Risikokartlegging og aktsomheitsvurderingar i tråd med openheitslova er i ein oppstartfase og arbeidet skal forsterkast utover i 2023. Prosessen startar med å få ei oversikt over selskapa i konsernet sine største leverandørar, og ei vurdering av risiko for menneskerettigheitsbrot i tilknytning til desse. Vurderingar skal ta for seg bransjerisiko, produktrisiko, geografisk risiko og risiko på verksemdsnivå. Ansvar for å koordinere oppfølging av openheitslova er plassert i konsernleiinga og hjå innkjøpsansvarlege.

Vår verksemd

Hovudverksemda til Voss Energi er produksjon, overføring og omsetning av elektrisk kraft, samt utbygging og drift av fibernettverk og fjernvarme. Vi sel også varmepumper og elbilladarar til private. Konsernet Voss Energi har hovudkontor i Voss herad. Mesteparten av verksemda skjer innan Voss herad sine grenser.

Våre tredjepartar

Voss Energi er ein av dei store innkjøparane av varer og tenester i Voss herad. Vi har om lag 900 leverandørar, frå dei heilt lokale og små til store internasjonale selskap. Leverandørane var i 2022 fordelt som følger:

Selskap	Største leverandørar
Mor	IKT, støtte til kultur og idrett, juridisk, finans, personell mm.
Nett	IKT, leverandørar av materialar og teknisk utstyr, entreprenørar
Produksjon	Leverandørar av materialar og teknisk utstyr, entreprenørar
Kraft	IKT, kraftkjøp, materiell og teknisk utstyr
Fiber	Tenester, leverandørar materiell og teknisk utstyr, entreprenørar
Bioenergi	Leverandørar av materialar og teknisk utstyr, entreprenørar

Særlege risikoområde

Aktsomheitsvurderingar har ikkje avdekkja faktiske negative konsekvensar hjå våre leverandørar, men vi har avdekkja risiko for negative konsekvensar.

Alle selskap kan ha risiko for eksponering knytt til leverandørar frå bransjar som er kjent for uryddige forhold i høve til lønn, tilsettingstilhøve og arbeidsforhold for utanlandske arbeidstakarar.

Nettselskapet og produksjonsselskapet har risikoeksponering knytt til produkt produsert i eller med råmateriale frå lågkostland, deriblant land der menneskerettigheter og arbeidstakarrettigheter ligg på et lågare nivå enn i Noreg. Dette gjeld gjerne produkt med en lang verdikjede som i tillegg kan være vanskeleg å følgja opp. Lov om offentlege innkjøp gjeld for nettselskapet sine innkjøp, der det vert det stilt strenge krav til bl.a. lønns- og arbeidsvilkår.

Fiberselskapet har også risiko for eksponering knytt til produkt og materiell som vert brukt i deira leveransar. Det gjelder spesielt hardware og utstyr som kan være produsert i land der den grunnleggande respekten for menneskerettigheter er på lågare nivå enn i Noreg, som f.eks. i Kina. Mesteparten av fiberselskapet sine innkjøp går via anerkjente leverandørar.

Kraftselskapet har risikoeksponering knytt til nokon av produkta. Varmepumper er eit produkt det er knytt noko risiko til då produktet er produsert i eller med materiale frå lågkostland.

Varslingskanal

Brot på våre etiske retningslinjer kan meldes anonymt i konsernets internkontroll-/kvalitetssystem.

Vegen vidare

Aktsomheitsvurderingar medfører at vi ser behov for å gjera avbøtande tiltak for å redusere risikoen i våre verdikjeder.

Vi tek sikte på at våre noverande leverandørar skal stadfesta/signera at leveransen deira er i tråd med våre etiske retningslinjer, og dermed stadfesta deira vurderingar knytt til openheitslova. Vi tek sikte på å utarbeida eigne etiske retningslinjer for leverandørar.

Internt skal vi jobbe for auka bevisstgjerjing og synlegheit av våre interne etiske retningslinjer, og delta i bransjesamarbeid knytt til ansvarlege innkjøp (bl.a. i regi av Fornybar Norge og Samfunnsbedriftene).